



JZU Zavod za forenzičku psihijatriju Sokolac

Ul. Podromanija b.b.

Telefon : 057 400 040 Fax: 057 444 - 858

JIB: 4403127900002

Žiro račun: 562-012-80880049-22/551-790-22210996-69

e-mail: forenpsi@teol.net

Broj: 2393/20

Datum, 17.08.2020.godine

Na osnovu člana 100.stav 3. Zakona o javnim nabavkama Bosne i Hercegovine (Službeni glasnik BiH broj: 39/14) a postupajući po žalbi izjavljenoj od strane "GRADPROM" d.o.o. Srbac, Mome Vidovića bb, Srbac zaprimljenoj 13.08.2020.godine na protokol Ugovornog organa JZU Zavod za forenzičku psihijatriju, Podromanija bb, 71350 Sokolac pod red.brojem 2370/20, na tendersku dokumentaciju u postupku javne nabavke „Nabavka građevinskih radova za izradu toplotne izolacije na objektu, popločavanje stepeništa, izrada prilazne rampe za invalide na ulaznom stepeništu, izrada nadstrešnice stepenišnog prostora“ broj TD 2202/20 od 28.07.2020.godine, Obavještenje o nabavci broj: 33-1-3-85-3-11/20 objavljeno na portalu javnih nabavki dana 10.08.2020.godine. Direktor Ugovornog organa na prijedlog komisije za javne nabavke po ovom konkretnom postupku javne nabavke donosi:

ODLUKA

O usvajanju žalbe

Usvaja se žalba ponuđača "GRADPROM" d.o.o. Srbac, Mome Vidovića bb, Srbac na Tendersku dokumentaciju u postupku javne nabavke „Nabavka građevinskih radova za izradu toplotne izolacije na objektu, popločavanje stepeništa, izrada prilazne rampe za invalide na ulaznom stepeništu, izrada nadstrešnice stepenišnog prostora“ broj TD 2202/20 od 28.07.2020.godine, Obavještenje o nabavci broj: 33-1-3-85-3-11/20 objavljeno na portalu javnih nabavki dana 10.08.2020.godine.

Ova odluka je osnov za preduzimanje radnje ispravljanja od strane Ugovornog organa i izmjene u okviru Tenderske dokumentacije broj 2202/20 od 28.07.2020.godine, te prateće izmjene Tenderske dokumentacije.

Ugovorni organ će o preduzetoj radnji ispravke Tenderske dokumentacije putem portala javnih nabavki obavijestiti sve potencijalne učesnike o nastavku predmetnog postupka, te će ovo Rješenje biti objavljeno na web stranici Ugovornog organa.

Troškove žalitelja u iznosu 450,00 KM + iznos za PDV od 17% = 526,50 KM koji se odnose na troškove pravnog zastupanja ugovorni organ će uplatiti na žiro račun žalitelja koji se vodi kod NLB banka A.D. Banja Luka broj: 562-01080872831-46 u roku od 15 dana od dana prijema ove odluke.

Zahtjev za nadoknadu troškova u preostalom dijelu se odbija kao neosnovan.

Rješenje stupa na snagu danom donošenja.

Obrazloženje

Pokrenut je postupak javne nabavke „Nabavka građevinskih radova za izradu toplotne izolacije na objektu, popločavanje stepeništa, izrada prilazne rampe za invalide na ulaznom stepeništu, izrada nadstrešnice stepenišnog prostora“, broj TD 2202/20 od 28.07.2020.godine, Obavještenje o nabavci broj: 33-1-3-85-3-11/20 objavljeno na portalu javnih nabavki dana 10.08.2020.godine.

Procijenjena vrijednost javne nabavke je 95.140,25 KM, od čega za:

- za LOT 1- Nabavka građevinskih radova za izradu toplotne izolacije na objektu, Procijenjena vrijednost javne nabavke 81.000,00 KM,
- LOT 2- Popločavanje stepeništa, izrada prilazne rampe za invalide na ulaznom stepeništu, izrada nadstrešnice stepenišnog prostora, Procijenjena vrijednost javne nabavke 14.140,25 KM.

Postupak se provodi putem Otvorenog postupka za dostavu ponuda.

JZU Zavod za forenzičku psihijatriju Sokolac je dana 13.08.2020.godine, protokolisanu pod brojem 2370/20, zaprimio žalbu od strane "GRADPROM" d.o.o. Srbac, Mome Vidovića bb, Srbac na tendersku dokumentaciju br. 2202/20 od 28.07.2020.godine, Obavještenje o nabavci broj: 33-1-3-85-3-11/20 objavljeno na portalu javnih nabavki dana 10.08.2020.godine.

Ugovorni organ JZU Zavod za forenzičku psihijatriju Sokolac konstatuje da je žalba blagovremena, dopuštena i izjavljena od strane ovlaštene osobe.

Žalitelj ulaže žalbu zbog pogrešne primjene materijalnog prava i konkretnih odredbi ZJN, a odnose se na tačku:

13.4. Tehnička i profesionalna sposobnost

13.4.1. Što se tiče tehničke i profesionalne sposobnosti, ponuđači trebaju ispuniti sljedeće minimalne uslove, a koji se mogu potvrditi sa dokazima iz člana 51. Zakona a to su:

- uspješno iskustvo u izvođenju najmanje 3 ugovora na radovima na izgradnji ili sanaciji građevinskih objekata u posljednje 3 kalendarske godine, od kojih je najmanje jedan ugovor ima procijenjenu vrijednost nabavke, odnosno procijenjenu vrijednost pojedinog lota

- Raspolaganje tehničkim osobama koje će biti angažovane na izvođenju predmetnih radova, koje zadovoljavaju sljedeće kriterije:

1. Voditelj građenja, dipl.ing.građ. sa položenim stručnim ispitom i najmanje 3 godine iskustva na radovima na sanaciji ili izgradnji građevinskih objekata.

b) posjedovanje ili osiguran pristup tehničkoj opremi potrebnoj za realizaciju Ugovora. Za navedenu ključnu opremu dostaviti dokaz o stvarnoj dostupnosti za vrijeme izvršenja ugovora.

13.4.2. Ocjena tehničke i profesionalne sposobnosti ponuđača će se izvršiti na osnovu jednog ili više dokaza :

a) Spisak izvršenih ugovora o izvedenim radovima koji su predmet nabavke u posljednjih 3 godina ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od pet godine. Uz spisak izvršenih ugovora ponuđač je dužan dostaviti potvrde o urednom izvršenju ugovora, a koje obavezno sadrže: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbijede;

b) izjavu o obrazovnim i profesionalnim kvalifikacijama rukovodnog osoblja koji su angažovani na obavljanju predmetnih radova, a koji ne moraju biti stalno zaposleni kod ponuđača;

c) potvrdu o građevinskim mašinama i tehničkoj opremi kojom izvođač raspolaže u svrhu izvršenja ugovora

d) Izjavu o angažovanom tehničkom osoblju (inženjerima, građevinskim tehničarima, zidari, tesari, bravari, moleri, vodoinstalateri, vozači, KV I NK radnici)

Dostavljene izjave ne mogu biti starije od 15 dana od dana predaje ponude u ovom postupku javne nabavke.

Žalilac navodi sljedeće:

Navedene odredbe tenderske dokumentacije nisu propisane u skladu sa odredbama ZJN i podzakonskih akata. Ugovorni organ zahtijeva uspješno iskustvo u izvođenju najmanje 3 ugovora na radovima na izgradnji ili sanaciji građevinskih objekata u posljednje 3 kalendarske godine, od kojih je najmanje jedan ugovor ima procijenjenu vrijednost nabavke, odnosno procijenjenu vrijednost pojedinog lota. Procijenjena vrijednost nabavke za LOT 2 iznosi 14.140,25 KM a ugovorni organ u svrhu dokazivanja tehničke i profesionalne sposobnosti od potencijalnih ponuđača traži uspješno iskustvo u izvođenju najmanje 3 ugovora na radovima na izgradnji ili sanaciji građevinskih objekata u posljednje 3 kalendarske godine, od kojih je najmanje jedan ugovor ima procijenjenu vrijednost nabavke, odnosno procijenjenu vrijednost pojedinog lota. Navedenim je ugovorni organ postavio uslove koji nisu srazmjerni predmetu nabavke čime je postupio suprotno odredbama člana 44. stav (3) ZJN kojim je propisano: "Minimum kvalifikacionih uslova koje ugovorni organ odredi za kandidate/ponuđače, kao i dokumenti koji su potrebni za njihovo dokazivanje obavezno treba da budu srazmjerni predmetu javne nabavke i u skladu sa njim" i suprotno odredbama člana 7. stav (4) Uputstva za pripremu modela standardne tenderske dokumentacije i ponuda (primjena uputstva je propisana odredbama člana 53. stav (4) ZJN) kojim je propisano:

„Ako ugovorni organ od kandidata ponuđača kao dokaz tehničke i profesionalne sposobnosti traži popis ugovora, smatra se da je uslov:

a) u vezi sa predmetom nabavke, odnosno grupom predmeta nabavke, ako se traži dokaz o izvršenju istog ili sličnog, odnosno istih ili sličnih ugovora kao što je predmet nabavke, odnosno lot, te

b) srazmjeran predmetu nabavke, odnosno lotu, u sljedećim slučajevima:

- 1) kada se traži dokaz o izvršenju jednog ugovora, ako njegov iznos nije viši od procijenjene vrijednosti nabavke, odnosno od procijenjene vrijednosti pojedinog lota;
- 2) kada se traži dokaz o izvršenju više ugovora, ako njihov zbirni iznos nije viši od procijenjene vrijednosti nabavke, odnosno od procijenjene vrijednosti pojedinog lota.

Navedenim postupanjem postavljeni su uslovi koji nisu srazmjerni predmetu javne nabavke, odnosno uslovi koji imaju ograničavajući karakter na konkurenciju, čime je ugovorni organ postupio suprotno odredbama člana 44, stav (3) ZJN 7. stav (4) Uputstva za pripremu modela standardne tenderske dokumentacije. Dakle, ugovorni organ zahtijeva uspješno iskustvo u realizaciji jednog ugovora u najmanjem iznosu procijenjene vrijednosti nabavke i uspješno iskustvo u realizaciji još dva ugovora. Ugovorni organ je mogao zahtijevati uspješno iskustvo u realizaciji jednog ugovora u najmanjem iznosu procijenjene vrijednosti nabavke ili tri ugovora čiji je zbirni iznos viši od procijenjene vrijednosti nabavke, a nikako kako je to precizirano u ožalbenoj tenderskoj dokumentaciji.

Dalje, ugovorni organ traži „od kojih je najmanje jedan ugovor ima procijenjenu vrijednost nabavke, odnosno procijenjenu vrijednost pojedinog lota". Ugovorni organ može zahtijevati uspješno iskustvo u realizaciji ugovora vrijednosti iste ili veće od procijenjene vrijednosti nabavke, a nikako uspješno iskustvo u realizaciji ugovora koji ima tačno procijenjenu vrijednost. Iz navedenih razloga žalitelj ulaže žalbu na tendersku dokumentaciju, od ugovornog organa traži da se, u skladu sa članom 110. ZJN, postupak javne nabavke obustavi, žalba usvoji, odluči o naknadi troškova sastava predmetne žalbe, usvoji zahtjev žalitelja za nadoknadu troškova sastava žalbe u iznosu od 1.053,20 KM, tenderska dokumentacija uredi u skladu sa zakonskim propisima, da ugovorni organ iznos od 1.053,20 KM u roku od 15 dana od dana donošenja odluke po žalbi uplati na žiro račun žalitelja koji se vodi kod „NLB Banka" a.d. Banja Luka broj: 562-01080872831-46. Ukoliko ugovorni organ ne usvoji ovu žalbu, predlaže da istu, u zakonom propisanom roku, dostavi na razmatranje Uredu za razmatranje žalbi BiH, te predlaže da Kancelarija za razmatranje žalbi, nakon zaprimanja i razmatranja ove žalbe istu usvoji, naloži Ugovornom organu da žalitelju nadoknadi troškove sa sastav žalbe, naloži povrat uplaćene naknade za vođenje žalbenog postupka.

Postupajući po žalbi ponuđača "GRADPROM" d.o.o. Srbač, Mome Vidovića bb, Srbač na tendersku dokumentaciju za „Javna Nabavka građevinskih radova za izradu toplotne izolacije na objektu, popločavanje stepeništa, izrada prilazne rampe za invalide na ulaznom stepeništu, izrada nadstrešnice stepenišnog prostora" broj TD 2202/20 od 28.07.2020.godine, Obavještenje o nabavci broj: 33-1-3-85-3-11/20 objavljeno na portalu javnih nabavki dana 10.08.2020.godine, u skladu sa odredbama člana 100. Zakona o javnim nabavkama Bosne i Hercegovine (Službeni glasnik BiH broj: 39/14), nakon što je žalbu razmotrio, te žalbene navode žalioaca smatra osnovanim, Ugovorni organ konstatuje:

Što se tiče žalbenih navoda koji se odnose na uspješno iskustvo u izvođenju najmanje 3 ugovora na radovima na izgradnji ili sanaciji građevinskih objekata u posljednje 3 kalendarske godine, od kojih je najmanje jedan ugovor ima procijenjenu vrijednost nabavke, odnosno procijenjenu vrijednost pojedinog lota, Ugovorni organ smatra osnovanim i prihvata da izvrši izmjenu Tenderske dokumentacije, tako da tačka 13.4 sada glasi:

„13.4. Tehnička i profesionalna sposobnost

13.4.1. Što se tiče tehničke i profesionalne sposobnosti, ponuđači trebaju ispuniti slijedeće minimalne uslove, a koji se mogu potvrditi sa dokazima iz člana 51. Zakona a to su:

- *Uspješno iskustvo u izvođenju najmanje 3 ugovora na radovima na izgradnji ili sanaciji građevinskih objekata u posljednje 3 kalendarske godine, ako njihov zbirni iznos nije viši od procijenjene vrijednosti nabavke, odnosno od procijenjene vrijednosti pojedinog lota.*

- *Raspolaganje tehničkim osobama koje će biti angažovane na izvođenju predmetnih radova, koje zadovoljavaju sljedeće kriterije:*

- 1. Voditelj građenja, dipl.ing.građ. sa položenim stručnim ispitom i najmanje 3 godine iskustva na radovima na sanaciji ili izgradnji građevinskih objekata.*

- 2. Posjedovanje ili osiguran pristup tehničkoj opremi potrebnoj za realizaciju Ugovora. Za navedenu ključnu opremu dostaviti dokaz o stvarnoj dostupnosti za vrijeme izvršenja ugovora.*

13.4.2. Ocjena tehničke i profesionalne sposobnosti ponuđača će se izvršiti na osnovu jednog ili više dokaza :

- a) Spisak izvršenih ugovora o izvedenim radovima koji su predmet nabavke u posljednje 3 godine ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od pet godine. Uz spisak izvršenih ugovora ponuđač je dužan dostaviti potvrde o urednom izvršenju ugovora, a koje obavezno sadrže: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni*

organ, važi izjava ponuđača o uredno izvršenim ugovorima, uz predložanje dokaza o učinjenim pokušajima da se takve potvrde obezbijede;

b) izjavu o obrazovnim i profesionalnim kvalifikacijama rukovodnog osoblja koji su angažovani na obavljanju predmetnih radova, a koji ne moraju biti stalno zaposleni kod ponuđača;

c) potvrdu o građevinskim mašinama i tehničkoj opremi kojom izvođač raspolaže u svrhu izvršenja ugovora

d) izjavu o angažovanom tehničkom osoblju (inženjerima, građevinskim tehničarima, zidari, tesari, bravari, moleri, vodoinstalateri, vozači, KVI NK radnici)

Dostavljene izjave ne mogu biti starije od 15 dana od dana predaje ponude u ovom postupku javne nabavke."

Što se tiče nadoknade advokatskih troškova, pitanje odlučivanja po zahtjevu za nadoknadu advokatskih troškova za sastav žalbe nije posebno riješeno odredbama Zakona o javnim nabavkama („Službeni glasnik BiH“, broj 39/14), ali je članom 117. ovog zakona predviđena supsidijarna primjena Zakona o upravnom postupku, te se stoga primjenjuju odredbe Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16).

Članom 108. stavovi (1), (2) i (4) Zakona o upravnom postupku propisano je kako slijedi:

(1) U rješenju kojim se postupak završava, organ koji donosi rješenje određuje ko snosi troškove postupka, njihov iznos i kome se i u kom roku imaju isplatiti.

(2) U rješenju se mora posebno navesti da li će onaj ko snosi troškove biti dužan nadoknaditi troškove drugoj stranci (član 105. st. 2. i 3.).

(4) Ako organ u rješenju ne odluči o troškovima, navest će se da će se o troškovima donijeti poseban zaključak.

Dodatno je članom 199. stavovi (1) i (3) Zakona o upravnom postupku propisano:

(1) Dispozitivom se rješava o predmetu postupka u cijelosti i o svim zahtjevima stranaka o kojima u toku postupka nije posebno riješeno.

(3) Dispozitivom se može riješiti i o troškovima postupka, ako ih je bilo, određujući njihov iznos, ko ih je dužan platiti, kome i u kom roku. Ako se u dispozitivu ne rješava o troškovima, navest će se da će se o njima donijeti poseban zaključak.

Dakle, u skladu sa citiranim članovima pomenutih zakona, kada ugovorni organ usvaja ili djelimično usvaja žalbu u postupku javnih nabavki, i ukoliko je žalilac istakao zahtjev za nadoknadu advokatskih troškova za sastav žalbe, ugovorni organ je dužan ili istim rješenjem (dispozitivom) riješiti i o troškovima advokatskog zastupanja ili o troškovima advokatskog zastupanja riješiti posebnim zaključkom, pri čemu je u dispozitivu rješenja kojim usvaja ili djelimično usvaja žalbu potrebno navesti i da će se o troškovima advokatskog zastupanja donijeti poseban zaključak.

Navodi vezani za postupanje ugovornog organa po zahtjevu za nadoknadu advokatskih troškova za sastav žalbe kada ugovorni organ žalbu usvaja ili djelimično usvaja razmatrani su u rješenjima Ureda / Kancelarije za razmatranje žalbi broj: JN2-02-07-1-287-9/18 od 14. 6. 2018. godine, JN2-03-07-1-922-8/18 od 2. 8. 2018. godine, JN2-01-07-1-434-6/18 od 7. 8. 2018. godine, JN2-01-07-1-508-8/18 od 9.10. 2018. godine, JN2-01-07-1-788-5/18 od 11. 1. 2019. godine, JN2-02-07-1-2303-8/19 od 10.10.2019. godine. U svim slučajevima radilo se o usvajanju ili djelimičnom usvajanju žalbenih navoda, i ni u jednom od navedenih rješenja KRŽ-a troškovi advokatskog zastupanja nisu bili odbijeni, već je naloženo da ugovorni organ plati ove troškove u navedenim iznosima.

Rješenja URŽ/KRŽ dostupna su na web-stranici

<https://www.ejn.gov.ba/Resolution/ResolutionSearch> (web stranici pristupljeno 14.08.2020. godine.)

Kada je u pitanju primjena tarifa, i Kancelarija za razmatranje žalbi i Sud BiH zauzeli su stav da se u postupcima javnih nabavki primjenjuju tarife u neprocjenjivim stvarima. (rješenje KRŽ-a br. JN2-01-07-1-622-5/20 od 12.03.2020. godine, br. JN2-01-07-1-622-5/20 od 30.03.2020. godine i dr).

Rješenja URŽ/KRŽ dostupna su na web-stranici

<https://www.ejn.gov.ba/Resolution/ResolutionSearch> (web stranici pristupljeno 14.08.2020. godine.)

U presudama Suda BiH br. S1 3 U 034270 20 U od 07.05.2020. godine, br. S1 3 U 031215 19 U od 11.05.2020. godine, br. S1 3 U 023495 16 U od 16.03.2018. godine, br. S1 3 U 023495 18 Uvp od 27.09.2018. godine razmatrano je pitanje primjene advokatskih tarifa RS:

Prve dvije presude Suda (presude iz 2020. godine) su pod navedenim brojem i datumom dostupne na web stranici: <https://www.ejn.gov.ba/Resolution/ResolutionSearch> (web stranici pristupljeno 14.08.2020. godine).

U konkretnom slučaju žalilac je tražio nadoknadu advokatskih troškova od 1053,20 KM, a po osnovu tarifnog broja 2 i broja 12. Tarife o nagradama i naknadi troškova za rad advokata.

Međutim, ako se primijene tarife u neprocjenjivim stvarima po prkasi KRŽ-a i Suda BiH, tada se primjenjuje tarifni broj 3. Tarife o nagradama i naknadi troškova za rad advokata („Službeni glasnik RS“, br. 68/05). Žaliocu u ovom slučaju pripada naknada troškova postupka za podnošenje žalbe u upravnom postupku u neprocjenjivom predmetu, po kojem je naknada za sastavljanje podnesaka u upravnom postupku određena u vrijednosti od 150 bodova i uvećana za 50%, iznosi 225 bodova. S obzirom da vrijednost boda, u skladu sa članom 14. Tarife, iznosi 2,00 KM, žaliocu pripada naknada u iznosu od 450,00 KM + iznos za PDV od 17% = 526,50 KM.

Napominjemo da je primjena tarifa u neprocjenjivim predmetima za računanje advokatskih troškova u postupcima javnih nabavki potvrđena i presudom Suda BiH br. S1 3 U 023495 16 U od 16.03.2018. godine, presudom Suda BiH br. S1 3 U 031252 18 U od 24.03.2020. godine, kao i stavom Apleacionog upravnog vijeća Suda BiH u presudi br. S1 3 U 023495 18 Uvp od 27.09.2018. godine, dok je za računanje advokatskih troškova advokata koji su upisani u Advokatsku komoru Republike Srpske, presudom Suda BiH br. S1 3 U 023495 16 U od 16.03.2018. godine i presudom Apleacionog upravnog vijeća Suda BiH br. S1 3 U 023495 18 Uvp od 27.09.2018. potvrđena primjena tarifnog broja 3. (neprocjenjivi predmeti u upravnom postupku) i člana 14. Tarife o nagradama i naknadi troškova za rad advokata.

Zahtjev za nadoknadu troškova u preostalom dijelu shodno navedenom se odbija kao neosnovan.

Dalje, žalilac u žalbi zahtijeva da se tenderska dokumentacija poništi, međutim, tendersku dokumentaciju nije potrebno poništavati, jer se sporne odredbe tenderske dokumentacije mogu izmijeniti kroz usvajanje žalbenih navoda, i postupak nabavke se može nastaviti, uz obavezno produžavanje rokova za dostavu ponuda.

Na osnovu gore prihvaćenih prijedloga Žalitelja, Ugovorni organ će izvršiti izmjenu Tenderske dokumentacije po postupku „Nabavka građevinskih radova za izradu toplotne izolacije na objektu, popločavanje stepeništa, izrada prilazne rampe za invalide na ulaznom stepeništu, izrada nadstrešnice stepenišnog prostora“ broj TD 2202/20 od 28.07.2020. godine, Obavještenje o nabavci broj: 33-1-3-85-3-11/20 objavljeno na portalu javnih nabavki dana 10.08.2020. godine i produžiti rok za dostavu ponuda za 10 (deset) dana odnosno krajnji rok za predaju ponuda će biti 11.09.2020. godine do 11:00 sati.

Pouka o pravnom lijeku:

Protiv ovog odluke može se izjaviti žalba Uredu za razmatranje žalbi BiH u roku od pet dana od dana prijema odluke, putem ovog Ugovornog organa.

DOSTAVITI:

1. Potencijalnim ponuđačima koji su preuzeli TD sa portala JN
2. Komisija za javne nabavke
3. a/a



Bojan Koprić
VD DIREKTOR
Bojan Koprić, dipl.prof